

DATANGMUZHI
SHUFA JINGXUAN

大唐墓志书法精选

◎何炳武 主编

中国出版集团

世界图书出版公司

张士贵
臧怀亮
墓志

◎陕西省古籍整理办公室
陕西省社会科学学院
编

大唐墓志书法精选

◎何炳武 主编

陕西省古籍整理办公室
陕西省社会科学学院 编

张士贵
臧怀亮
墓志

世界图书出版公司
西安 北京 上海 广州

图书在版编目(CIP)数据

大唐墓志书法精选. 张士贵、臧怀亮墓志/何炳武主编. —西安: 世界图书出版西安有限公司, 2011.8

ISBN 978-7-5100-3679-8

I. ①大… II. ①何… III. ①汉字—碑贴—中国—唐代
IV. ①J292.24

中国版本图书馆CIP数据核字(2011)第134699号

《大唐墓志书法精选》编委会

主 任 杨尚勤

编 委 杨尚勤 洪援朝 石 英 刘卫民
何炳武 吴敏霞 牛泾民

《大唐墓志书法精选》编辑部

主 编 何炳武

编 辑 何炳武 吴敏霞 牛泾民 朱淑玲

张士贵 臧怀亮墓志

主 编 何炳武
责任编辑 焦毓本
视觉设计 诗风文化

出版发行 世界图书出版西安有限公司
地 址 西安市北大街85号
邮 编 710003
电 话 029-87214941 87233647(市场营销部)
029-87232980(总编室)
传 真 029-87279675
经 销 全国各地新华书店、外文书店
印 刷 陕西宏伟印务有限公司
开 本 850×1168 1/16
印 张 7.75

版 次 2011年8月第1版 2011年8月第1次印刷
书 号 ISBN 978-7-5100-3679-8
定 价 28.00元

☆ 如有印装错误, 请寄回本公司更换 ☆

目录 MULU

张士贵墓志

张士贵墓志简介	5
张士贵墓志释文	5
张士贵墓志正文	9

臧怀亮墓志

臧怀亮墓志简介	99
臧怀亮墓志释文	99
臧怀亮墓志正文	101

大唐墓志书法精选

张士贵墓志

张士贵墓志简介

唐显庆二年（657）十一月十八日葬。1972年出土于陕西礼泉县烟霞乡马寨村西南张士贵墓中，石现藏昭陵博物馆，陕西省古籍整理办公室藏拓。志、盖均呈正方形，边长均98.2厘米、厚15.1厘米。盖四周及四刹均饰以宝相花纹。盖文5行，满行4字，篆书“大唐故辅国大将军荆州都督虢国公张公墓志铭”；志文55行，满行57字，楷书。上官仪撰文，张玄靓书丹。志主张士贵，唐初大将。弘农卢氏（今河南卢氏）人，字武安。曾助高祖定河南之境，随太宗西征东略，英勇善战，军功显赫，为唐代大一统局面的形成立下了汗马功劳。两《唐书》有传。此志记述张士贵生平、世系、职官、事迹、封赐等，均较正史为详，可补其阙。撰者上官仪，唐陕州陕县（今河南灵宝）人，字游韶。历官弘文馆直学士、秘书郎。唐初著名词赋家。其词婉媚，人称上官体。书者张玄靓，史书阙载。其书体介于虞世南、褚遂良之间，用笔波势自如，遒丽圆润，疏瘦劲练，结体端庄大方，清新悦目，气韵生动，章法自然。是不可多得的唐初楷书之精品。

张士贵墓志释文

大唐故辅国大将军荆州都督虢国公张公墓志铭并序

公讳士贵，字武安，弘农卢氏人也。原夫玄珠洞鉴，希夷之道弥光；赤松轻举，神仙之风逾邈。华阳时秀，副车开渭渚之辞；京兆人，英亡篋劭汾阴之敏。落印以旌其德，传钩以启其祥。十腰银艾之荣，七珥貂蝉之贵。芬芳终古，草露霑而方菀；寂寥长迈，舟壑移而未泄。曾祖隲，后魏银青光禄大夫、横野将军。大父和，齐开府车骑将军。并雄武瓌杰，义略沉果。由珣表艺，横草擅功。守重萦带之奇，师仰投醪之惠。显考国，起家陕县主簿，后历硤州录事参军、历阳令，寻以军功授大都督。干蛊有声，乡塾推敬。龙翰之姿，在尺木而将矫；骥足之径，居百里而未申。公纳阴陆之金精，应文昌之宝纬。含百练而凝质，绝千里而驰光。揭日月而傍照，怀风云而上耸。立言无玷，树德务滋。逸气掩于关中，神契通于圯上。扬名基孝，载深五起之规；约身由礼，克懋十伦之躅。熊掌之义，早殉于髫年；马革之诚，夙彰于什岁。加以屈壮夫之节，尤缉睢涣之文；略非圣之书，方砺昆吾之宝。属炎精沦昧，习坎横

流。火炎玉石之墟，龙战玄黄之野。公游道日广，缔交无沫。率间左而完聚，候霸上之祯祥。乃于粉闱之间，峻陵之地，因称大总管、怀义公。于是纒负波属，接浙云归。于时王充窃号晋京，李密称师巩洛，闻公威武，将恃为援。俱展情素，形乎折简。公谓其穷井之微，鄙其契瓶之懦，枕威蓄锐，深拒固闭。皇家发迹参墟，肇基霸业，讴歌允集，征怨在期，将指黄图，行临绛水。公乃遣使输款，高祖深相嘉叹，拜右光禄大夫，锡赍优洽。并降玺书，俾定河南之境。公英谋雅算，喻伏波之转规；决胜推锋，体常山之结阵。肃清崤澠，繁赖攸归。因统所部，镇于陕服，受相府司马刘文静节度。每陈东略之计，益见嗟赏，遂进下同轨，以置函州。又进击伪熊州刺史郑仲达，大败之。所在城聚，相继投款。高祖称善，赍缗綵千有余段、名马五匹并金装鞍勒。自副义宁二年隐太子之东讨也，以公材光晋用，誉重汉飞，战有必胜之资，威有懔邻之锐，授第一军总管先锋。徇地灵昆平乐，开月垒而投壶；□路秋方，耀星旗而举扇。王充选其毅卒，折衄于前；李密简其劲骑，逋亡于后。军容之盛，咸所宗挹。频赍金帛，不可胜言。寻被召入京奉见，□恩贷绸缪；而备申诚款，载隆赏册。乃拜通州刺史。鸣谦自牧，坐树辞功；福润佇才，班条授职。薛举狼据北地，太宗亲总元戎。公先登之勋，有超恒准，赐奴婢八十口、绢綵千余段、金一百卅挺。方欲克定三川，敕还陕郭。转漕飞鸟所寄，允兹简在，授上柱国。启八难以佐汉，开十册以平袁。升蔡赐之隆班，践昭阳之显级。武德元年，转运粮饬，至于澠池，王充将郭士衡等潜兵面至，公掩击，大破之。二年，有贼苏经寇掠陕州之界，州将频战不利。高祖闻之，曰：此贼非猛士无以殄灭。命公讨焉。公智尽三官之端，威下九天之上。顾盼之顷，噍类靡遗。高祖又降书褒美。寻进击陆浑，授马军总管，经略熊州之地。至黄泽，遇王充统领马步五万，将逼熊州。虽众寡不侔，主客异势，牙璋狎至，羽檄交驰，三令五申，风驱雨迈。饮淇之众，反接辕门；倒戈之旅，泥首请命。而茅赋畴庸，抑惟恒序。赐爵新野县开国公、杂綵上驷并金鞍宝勒。敕曰：卿宜自乘之。丹石之心，上通宸照；青骊之祝，远逮军功。何小董据有虞州，兵锋甚劲。太宗董大军于百壁，将自图之。命公前击，算无遗策，战取先鸣。贼乃合其余烬，婴城自保。刘武周遣其骁将宋金刚等，同声相援。金刚先有将卒屯据翼城，与大军相拒。及是而遁，公从太宗并平之。广武之师，屡摧元恶；昆阳之阵，亟殄凶渠。既而朝于京师，命赏有逾常典。会朝廷将图嵩洛，敕公先督军储，太宗亲总戎麾，龚行吊伐。公投盖先登，挥戈横厉，屠城的撕邑，涉血流肠。对武安而瓦落，俯秦坑而遑沸。窦建德鸣镳汜水之东，王行本警柝武罕之上。于是料敌制变，箕张翼舒。鲁旗靡而俱奔，纪鄣登而咸縋。太宗特遣殷开山、杜如晦赍金银四百余挺以赐之，乃以所赐分之麾下。子罕之宝，终秘于灵台；王孙之珍，岂留于广庑。及东都底定，舍爵劳勤，录其前后战功，以为众军之最，除虢州刺史。露华献于吏萌，游辇锦于仁里。一纸贤于从事，二天绝于故人。少选，敕令入朝，宴赐华腴。刘黑闥称兵洛水，挺祸乱常；太

宗折棰长驱，指期刷荡。后黑闼将数万众，密迩军幕。公率其劲勇，截其要津，飞镞星流，委甲鳞下。大憝既夷，懋赏斯及。复令公领兵与英公等安辑山东。徐圆朗以兖州举兵，公从淮安王便道击败。太宗征公，于曹州奉见，深用嘉止。太宗居帝子之尊，极天人之望，府僚之选，允归时杰。以公素啖威名，授秦王府右库真、骠骑将军。太宗仪天作贰，丽正升储。凤邸旧僚，咸栖鹤禁，除为太子内率。憬彼獯戎，侵轶关辅，骑屯镐派，尘拥渭滨。太宗遣公与将军刘师立召募壮士。曾未浹旬，归公者万有余计。有顷，拜右骁卫将军。九重清切，千庐严秘，典司周卫，实寄勋贤。贞观元年，诏公于玄武门长上统率屯兵，俄转右屯卫将军，还委北军之任。六年，除右武候将军。缙骑启行，鸢旌戒道，威而有裕，俨以能温。桂府东西王洞，历政不宾。及在兹年，载侵边圉。敕公为燕州道行军总管。金邻之壤，封豨咸诛；石林之地，长蛇尽戮。无何，獠又翻动，围龚、燕二州。敕公使持节龚州道行军总管。途次衡阳，夷獠遁窜，乃授右屯卫大将军，改封虢国公，检校桂州都督，龚州道行军总管如故。悬旌五岭，立功百越。丝言荐及，丰泽仍加。其年被召还京，依旧右屯卫大将军，北门上下。十二年冬，驾幸望云校猎，次于武功。皇帝龙潜之所，令作武功之咏。凌云散札，与佳气而氤氲；涌泉飞藻，共白水而澄映。上览之，称重焉。十五年，从幸洛阳。会薛延陀犯塞，奉敕于庆州镇守。后检校夏州都督。十六年四月，追还，领屯兵如故。十一月，授兰州都督，又迁幽州都督。十八年，以谴去官。洎朱蒙之绪，玄夷之孽，背诞丸都，梟镜辽海。王师底伐，属想人雄，敕为辽东道行军总管，授金紫光禄大夫、洺州刺史。十九年，率师渡辽，破玄菟等数城大阵。勋赏居多，拜冠军大将军，行左屯卫将军。銮驾凯旋之日，令公后殿。至并州，转右屯卫大将军，仍领屯骑。超海之力，气盖三军；横野之功，胆雄百战。绥遏之任，金谐攸属，授茂州都督。雅、邛等州山獠为乱，以为雅州道行军总管。军锋所届，膏原如莽，门骖晨溺，野燐宵飞。石纽尘披，五丁之道斯顺；玉轮雾廓，二星之路载清。事平，拜金紫光禄大夫、扬州都督府长史。千圻奥壤，一方都会。引朝夕之洪派，疏桐柏之长澜。思涌观涛，歌兴伐枳。市狱晏而无扰，水火贱而盈储。吏金斯慎，丞鱼靡入，焚丝载理，夙著萌谣。交戟惟材，方劳帝念。永徽二年，召拜左领军大将军。四年，累表陈诚，辞以目疾。因许优闲，尤加辎礼，授镇军大将军，封如故，禄赐防阁等，一同京官职事。六年，加以风疾。显庆二年，从驾东巡于洛，中使名医，旬月累至。而田豫鸣钟，庶优游于杖国；史慈嗟剑，遽冥漠于蒿泉。以六月三日终于河南县之显义里第，春秋七十有二。帝造深于寿器，鼓鞞之恨无追；朋情结于生刍，李桃之悲何已。赠辅国大将军、使持节都督荆硤岳朗等四州诸军事、荊州刺史，赙绢布七百段、米粟七百石，陪葬昭陵，赐东园秘器，并给鼓吹往还，仍令京官四品五品内一人摄鸿臚卿监护，易名考行，谥曰襄公，礼也。粤以其年岁次丁巳十一月乙酉朔十八日壬寅，葬于昭陵。谷林之下，寒霰集于原阡；桥岭之前，凄吹愤于滕室。惟公气掩万夫，夙表鹰

扬之势；誉驰三辅，先标鸿渐之姿。举烛齐明，拂钟比锐。门光揖客，家盛文朋。被忠信之介冑，涵仁义之粉泽。擅兵机之三术，殫武略之五材。射隼开弦，飞声于相圃；雕龙抚翰，激韵于汉台。外总班条，入司悬殿。令德具美，罕伦当世。幅巾在饰，临玉树于长筵；雕戈靡驻，坠壁辉于悲谷。嗣子右屯卫郎将仁政等，礼绝趋庭，哀深望謁，衔索易朽，负米何追。惧孤竹颓陇，自灭成楼之气；拱柏摧薪，谁分夏屋之兆。故勒兹玄础，永劭徽尘。其铭曰：

轩丘构绪，开地分枝。通侯比躅，英袞连规。龙光照耀，晖珥参差。长发垂祉，世济标奇。其一；曰祖惟考，毓德果行。武库森沉，文河镜净。蒙剑留说，单琴宣政。凤穴开灵，芝庭衍庆。其二；于铎志士，矫然秀出。基忠履孝，含文抱质。度埽黄陂，爰均赵日。昔逢世故，退潜名实。其三；黄星发贖，玄石表图。龙飞天极，凤翥云衢。爰兹烛水，投謁汾隅。荐臻玄泽，亟奉明谟。其四；十守惟平，四征以肃。绿林遽剪，黑山旋覆。声驰智勇，效光神速。行绝云霓，方蹇陵陆。其五；剖符命驾，细柳开营。紫骝激响，朱鹭凝清。嬉游东第，骋望西城。举盃陶赏，写翰缘情。其六；投绂素里，挥金卒岁。握槊怀铅，纫兰扈薛。奄谢东岳，长归北帝。石阵空留，铜铭永瘞。其七；阳陵甫窆，卢山墓田。行楸孕月，双表笼烟。惊笳流喝，迴旆联翩。图徽云阁，千祀方传。其八

太子中舍人弘文馆学士上官仪制文

梓州盐亭县尉张玄靓书

大唐故輔國大將軍
荊州都督雍州
公張公普墓誌銘并序
公諱士貴字武安
弘農盧氏人也原

夫玄珠洞鑒希夷
之道彌光赤松輕
舉神仙之風逾邈
華陽時秀副車開
渭渚之鉞京兆人

英亡篋匄汾陰之
敏落印以旌其德
傳鉤以啓其祥十
腰銀艾之榮七珎
貂蟬之貴芬芳終

古草露霑而方落
新寒長滿舟壑移
而未涸曾祖傷後
魏銀青光祿大夫
橫野將軍大父和

齊開府車騎將軍
並雄武壞傑義略
沉果由韜未藝橫
草檀功守重紫帶
之奇師仰投醪之